



## Akileraartarnermut Aqutsisoqarfimmit najoqqutassiaq

### **Pineqartoq: Atorfinitsitaanermut aamma siulersuisuni ilaasortaanermut atatillugu tunissutisia-nik akileraarusiisarneq**

Akileraartarnermut Aqutsisoqarfiup matumuuna innersuussutigaa, atorfinitsitaanermut atatillugu tunis-sutisiat nalunaarut manna naapertorlugu akileraaruserneqartassasut.

Nalunaarut taamatuttaaq atuuppoq inunnut siulersuisuni, ataatsimiititaliani, kommissionini, siunnersui-soqatigiinni, maalaartarfinni peqatigiillunilu suleqatigiiffinni, matumani aamma Naalakkersuisuni, Inatsisartuni kommunalbestyrelsenilu ilaasortaasunut ikiortaasunulluunniit.

Nalunaarut immikkoortunik makkuninnga imaqarpoq:

1. Tunngaviusumik maleruagassaq: Tunissutit akileraaruteqaataasussaapput
2. Akileraaruteqaataasussanut ilaatinneqanngitsut
  - 2.1. Tunissutit ilaanniinaq tunniunneqartartut, juullimi tunissutit aamma ukiortaami tunissutit
  - 2.2. Suliffimmi ajugaaniutsitsinermi akissarsiat
  - 2.3. Sulisut peqatigiiffiannit tunissutit
3. Aningaasat tunissutit aamma tunissutit pisiniutissat
4. Nalliuttorsiornermi tapisiat, juullimi tapisiat aamma soraarnermi immikkut pissarsiat
  - 4.1. Tjenestemandit pillugit maleruagassat naapertorlugit akileraarusigassaannngitsut
  - 4.2. Sulisitsisup nalunaarutiginnittussaanera
5. Sulisitsisup ilanngaatisinnaasai
  - 5.1. Qanigisanut tunissutit
6. Innersuussut(-it) / Maleruagassatigut tunngavissat



1. Tunngaviusumik malerugassaq: Tunissutit akileraaruteqaataasussaapput

Sulisitsisup sulisorisaminut tunissutai tunngaviusumik tassaapput sulisup akileraaruteqaatigisassai.

Qanigisanut tunissutit pillugit immikkut maleruagassat immikkoortoq 5.1-imi eqqartorneqarput.

2. Akileraaruteqaataasussanut ilaatinneqanngitsut

Sulisitsisup tunissutinik akileraaruteqaataasusaaanngitsunik ilaannikkut tunissuteqarsinnaanera Akileraartarnermut Aqutsisoqarfiup akuersaarpaa.

Tassani pineqarput sulluunniit (aningaasaanngitsut), sulisitsisup sulisuminut ilaanniinaq tunissutit, juullimi tunissutit ukiortaamiluunniit tunissutit agguaattagai.

Sulluunniit (aningaasaanngitsut) assersuutigalugu tassaasinnaapput koorit nerisassanik imallit, naasut naasulivittaallu.

Tunissutit nalinginnaasumik niuernerminni akiisut nalilerneqartassapput.

Periutsit ataani immikkoortuni 2.1-imiit 2.3-mut erseqqinnerusumik nassuiarneqarput.

2.1. Tunissutit ilaanniinaq tunniunneqartartut, juullimi tunissutit aamma ukiortaami tunissutit

Sulisitsisup tunissutinik sunilluunniit, soorlu ilaanniinaq tunissutinik, juullimi tunissutinik aamma ukiortaami tunissutinik pisunilu assigisaanni tunissutinik, aalajangersimasumik naliliusaaq ataallugu nalilinnik akileraaruteqaataasusaaanngitsunik tunissuteqarsinnaanera Akileraartarnermut Aqutsisoqarfiup akuersaarpaa.

Akileraartarnermut Aqutsisoqarfiup tunissutinik sunilluunniit 500 kr.-it tikillugit nalilinnik akileraaruteqaataasusaaanngitsunik tunissuteqarsinnaaneq, ukiumi aningaasarsiorfiusumi 2018-imi ukiunilu aggersuni pisarnermisut akuersaarniarpaa.

Tunissutit ilaanniinaq tunniunneqartartut tassaapput tunissutit nalinginnaasut, inuit nammineq ullorsiornerminni tunissutisarisagaat, soorlu assersuutigalugu (akunnaalliliilluni) inuuissiornermi, kuisitsinerini, apersortitsinerini, katinnerni assigisaannilu.

Imaangilaq tunissutit ilaanniinaq tunniunneqartartut sulisitsisumit tunniunneqaraangamik tamavimmik akileraaruteqaataasusaaanngitsut. Sulisup akileraaruteqaatigisassarinnngisai tassaapput tunissutit nalinginnaasut, akunnaalliliilluni inuuissiornermi ullorsiornermilu assigisaanni tunniunneqartartut.

Aamma inuit namminerisamik ullorsiorneranni allani, soorlu ilinniakkamik naammassinninnermi imaaluunniit soraarninngorluni suliunnaalernerminni tunissutit tassaasinnaapput tunissutit ilaanniinaq tunniunneqartartut sulisup akileraaruteqaatigisassarinnngisai.



Sulisitsisoq ukiup ataatsip ingerlanerani juullimi tunissutinik 500 kr.-inik aamma inuuissionermit tunissutinik 500 kr.-inik tunniussaqsarimappat tamanna akileraarusiinermik kinguneqassanngilaq. Tunissutilli ataasiakkaat nalingat 500 kr.-init angineruppat, sulisup tunissutip nalinga tamarmiusoq akileraaruteqaatigissavaa.

Sulisitsisup tunissutaasa sulluunniit nalingat 500 kr.-init angineruppat, taanna aningaasarsiatut B-tut nammineerluni nalunaarutigineqassaaq.

## 2.2. Suliffimmi ajugaaniutsitsinermit akissarsiat

Eqqukkat, ajugaasutut akissarsiat aamma suliarisimasaq pillugu nersorinnissutitut akissarsiat sulisitsisumit tunniunneqartut tunngaviumik tassaapput akissarsianut sanilliunneqarsinnaasut, taamaammalu sulisut akileraaruteqaatigissassaat.

Suliffimmi ajugaaniutsitsinermit, eqquiniaasitsinermit akileraarutit pillugit Inatsisartut inatsisaanni male-ruagassat naapertorlugit ingerlanneqartuni aammalu eqquiniaasitsinermit akileraarutissaajunnartut akileneqarfigisaanni, ajugaasutut akissarsiarineqartut eqqorneqartullu kisimik sulisunut akileraaruteqaataasusaanngillat. Tamanna Eqquiniaasitsinermit akileraarutit pillugit Inatsisartut inatsisaanni nr. 7, 31. oktober 1987-imeersumi § 2-mi allaqqavoq.

Eqqukkat il.il., eqquiniaasitsinermit akileraarutit pillugit Inatsisartut inatsisaanni pineqanngitsut tassaapput aningaasarsiat A-t.

Sulisitsisoq nalunaarutiginnittussaavoq.

## 2.3. Sulisut peqatigiiffiannit tunissutit

Sulisut peqatigiiffiannit tunissutit aatsaat akileraaruteqaataassanngillat, sulisitsisoq peqatigiiffimmut tunissuteqartuumut annertuumik aningaasaliiffiginnissimanngippat. Tamanna tunissutinut aningaasaa-ngaangitsunut sunulluunniit, tunissutinut aningaasanut tunissutinullu pisiniutissanut atuuppoq.

## 3. Tunissutit aningaasat aamma tunissutit pisiniutissat

Tunissutit aningaasat aamma tunissutit pisiniutissat sulisitsisup tunniussai, aningaasartaat tamarmiusut malillugit akileraaruteqaataasusaapput. Tunissutit aningaasat aamma tunissutit pisiniutissat qassiunis-  
saat killiligaanngilaq.

Tamanna aamma atuuppoq sulisitsisup tunissutit aningaasat aamma tunissutit pisiniutissat tunissutit ilaanniinaq tunniunneqartartut, juullimi tunissutit ukiortaamiluunniit tunissutit tunniussimappa-  
git.

Tunissutit aningaasat aamma tunissutit pisiniutissat akissarsianut sanilliunneqarput, tassaallutillu aningaasarsiat A-t sulisitsisumit nalunaarutigineqartussaasut.



#### 4. Nalliuttorsiornermi tapisiat, juullimi tapisiat aamma soraarnermi immikkut pissarsiat

Nalliuttorsiornermi, juullimi soraarnermiluunniit aningaasannorlugit tunniunneqartut tunngaviatigut tassaapput aningaasarsiat A-t akileraaruteqaataasussat.

##### 4.1. Tjenestemandit pillugit maleruagassat naapertorlugit akileraarusigassaangitsut

Nalliuttorsiornermi tapisiat sulisunut namminersortuni pisortaniluunniit sulisuusunut tunniunneqartut akileraaruteqaataassanngillat, taakku maleruagassat Kalaallit Nunaanni tjenestemandinut atuuttut naapertorlugit tunniunneqarpata. Tamanna Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi § 34, imm. 1, nr. 13-imi allaqqavoq.

Nalliuttorsiornermi tapisiat, maleruagassat Kalaallit Nunaanni tjenestemandinut atuuttut naapertorlugit tunniunneqartartut ukiut 25-nngorlugit, ukiut 40-nngorlugit ukiulluunniit 50-inngorlugit nalliuttorsiornermi immikkut tapiliussatut tunniunneqarsinnaapput, aningaasartaralugit siumut angissusilerikkat (31. marts 1991-imi tunngaviummik amerlassusiillit), tassa 4.000 kr.-it, 5.000 kr.-it aamma 6.000 kr.-it, taamaattorli iluarsiat. Maleruagassat Nalliuttorsiornermi tapisiat pillugit isumaqatigiisummi 27. maj 1993-imeersumi allaqqapput.

##### 4.2. Sulisitsisup nalunaarutiginnittussaana

Sulisitsisoq nalliuttorsiornermi tapisianik, juullimi tapinik soraarnermiluunniit immikkut pissarsianik sulisuminut tunniussisoq nalunaarutiginnittussaavoq. Tapisiat ajunngitsorsialluunniit nalingat nalunaarutigineqassaaq, sulisullu aningaasarsiaanut A-nut ilanngunneqassalluni.

Nalliuttorsiornermi tapisiat, maleruagassat tjenestemandinut atuuttut malillugit tunniunneqartut nalunaarutigineqassanngillat.

#### 5. Sulisitsisup ilanngaatisinnaasai

Sulisunut tunissutinut ilaanniinnaq tunniunneqartartunut, juullimi tunissutinut, nalliuttorsiornermi tapisianut soraarnermilu ajunngitsorsianut il.il. aningaasartuutit sulisitsisup sulisorisaminut aningaasartuutimisut nalinginnaasutut ilanngaatisinnaavai.

##### 5.1. Qanigisat atorfinitsitaanerannut atatillugu tunissutit

Nalunaarutip ilaa una sulisitsisoq (namminersorluni inuussutissarsiummik ingerlataqartoq) aamma sulisuusorlugit atorfinitsitaasimasorlugit imminnut qanigisaariitsillugit atuuppoq.

Qanigisaasutut isigineqarsinnaasut assersuutigalugu tassaapput katissimallugu aappaasorlugit, qitornat, qitornassat taakkualu kinguaavi imaluunniit katissimallugit aappaat kiisalu angajoqqaat aamma aanaakkut/aataakkut il.il. Qanigisaasut kikkuunerannik nassuiaanerup, akileraartarnermi inatsisini allatigut allassimasut nassuiaarnerat assigaa.



Qanigisaasut sulisitsisuminnit tunissutisisut tunissutit nalingat akileraaruteqaatigissanngilaat. Akileraaruteqaatiginninnginnissaat Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi § 34, imm. 1, nr. 3-imi allaqqavoq.

Sulisitsisoq sulisuminut qanigisaappat, taava sulisitsisup sulisumut tassunga tunissutai sulisitsisup tungaviatigut ilanngaatigisinnaanngilai, aatsaalli ilanngaatigisinnaallugit tunissutit sulisunut allanut tuniunneqartutuulli naleqarlutillu pissuteqarpata. Allaniq sulisoqanngippat sulisitsisoq ilanngaateqarsinnaanngilaq.

6. Innersuussut(-it) / Maleruagassatigut tungavissat

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi § 13, § 14, imm. 1, nr. 2, § 24, imm. 1, nr. 1, § 34, imm. 1, nr. 3 aamma nr. 13 aamma § 75.

Eqquiniaasitsinermi akileraarutit pillugit Inatsisartut inatsisaanni nr. 7, 31. oktober 1987-imeersumi § 2.